

Ilulissat Kangerluata, Kangiata, eqqissisimatinneqarnissaq pillugu Namminersornerullutik Oqartussat nalunaarutaat

Pinngortitamik illersuineq pillugu Inatsisartut inatsisaanni nr. 29-imi, 18. december 2003-imeersumi § 16, imm. 1, § 39, imm. 5 aamma 6, § 46, § 60, imm. 2 aamma imm. 4 naapertorlugin aalajangersarneqarpoq:

Siunertaq

§ 1. Ilulissat Kangerluata, Kangiata, nunaminertallu avatangiisaasut Ilulissat Kommuniani inissisimasut nunatut eqqissisimatitassanngortinnejarpuit nunap kusanassusersuata, nunami pinngortitaassutsikkut oqaluttuarisaanermi, kulturikkut oqaluttuarisaanermi allallu pinngortitatut naleqassusiisa illersorneqarnissaat siunertalarugit. Eqqissisimatitsineq sumiiffiup pinngortitaassutsikkut nungullariartunnginnissaanut illersueqataassaaq.

Killiliineq

§ 2. Nuna eqqissisimatitaq nunap assingani ilanngunneqartumi 1-imi nalunaarneqarpoq. Nunap eqqissisimatitap ilaa immikkoortunut pingasunut agguataarneqarpoq.

Imm. 2. Nunap ilaa immikkoortoq A tassaavoq nuna Sermermiut eqqaanniittooq. Tamanna nunap assingani ilanngussami 2-mi nalunaarneqarpoq. Nunap ilaa immikkoortoq B tassaavoq Ilulissat Kangerluata, Kangiata qinnguata ilaa. Tamanna nunap assingani ilanngussami 3-mi nalunaarneqarpoq. Nunap ilaa immikkoortoq C tassaavoq Ilulissat Kangerluata, Kangiata paavata ilaa. Tamanna nunap assingani ilanngussami 3-mi nalunaarneqarpoq.

Tamanit tikinnejqarsinnaanera atorneqarsinnaaneralu

§ 3. Kikkulluunniit nunamut eqqissisimatitamut appakaassinjaapput nalunaarutip matuma kingunerisaanik killilersuutaasut malillugit.

§ 4. Nunap eqqissisimatitap iluani tatsinik, kuunnik, kangerlunnik, sermip iigartartuinik nunamiliunniit eqqissisimatitami mingutsitsineq arlaatigulluunniit eqqagassanik, aalisarnermi atortukunik, nalunaarsuutinik ilisimatusarnikkulluunniit atortunik qimatsinissaq inerteqqutaavoq.

Imm. 2. Nunap naasoqassusianik akornusiinissaq nunalluunniit qaavanik allanngortitsinissat inerteqqutaapput. Nunap naasuunik tamanik naasulluunniit ilaannik katersinissaq inerteqqutaavoq, taamaattoq takuuq imm. 3.

Imm. 3. Naak imm. 2-mi inerteqquteqaraluartoq, aalisarnermut, aallaaniarnermut piniarnermullu atatillugu

nerisassiornissami nunap naasuunik ikummatissanik katersinissaq ajornartitaanngilaq.

Tupertorneq aamma silami ikumatitsineq

§ 5. Nunap eqqisisimatisitap iluani uninnganermi tupertorneq ikumatitsinissarlu taamaallaat ullup unnuallu ataatsip ingerlanerani uninngaffigisamilu ataatsimi pisinnaavoq. Aammattaaq tupertorneq aamma silami ikumatitsineq matuma kingorna taamaallaat pisinnaavoq siullermik uninngaffigisatut atorneqartumit minnerpaamik 100 meterinik ungasissulimmi, taamaattoq takuuq imm. 2.

Imm. 2. Avatangiisinut Pinngortitamullu Pisortaqaqfipu tusarniaavigneqareernerata kingornatigut, tupertornissamut atatillugu nunaminertat aalajangersimasut Ilulissani kommunalbestyrelsimit toqqarneqarsinnaapput. Tupertorfiginiagaq erseqqissumik nalunaaqutserneqassaaq.

Illuliorneq, sanaartorneq angalanerlu

§ 6. Nunap eqqisisimatisitap iluani illuliorneq imaluuniit aalaakkaasunik allanik sanaartorneq kiisalu aqquserniornerit aamma amitsunik aqquserniornerit inerteqqutaapput, taamaattoq takuuq imm. 2 aamma imm. 3.

Imm. 2. Ilulissat Kommuniani communalbestyrelsismik tusarniaareerneremi kingornatigut, Avatangiisinut Pinngortitamullu Pisortaqaqfik illuliornissamut allanillu aalaakkaasunik sananissamut akuersissuteqarsinnaavoq. Ilulissani kommunalbestyrelsismik tusarniaareerneremi kingornatigut Avatangiisinut Pinngortitamullu Pisortaqaqfik, sananeqartussap annertussusaanik, suuneranik, sumiiffissaanik aammal qanoq iluseqarnissaanik piumasaqaatinik akuersissutinut taamaattunut atorneqartussamik aalajangersaasinnaavoq.

Imm. 3. Ilulissat Kommuniani communalbestyrelsismik tusarniaareerneremi kingornatigut, aqquserniornissamut aamma amitsunik aqquserniornissamut Avatangiisinut Pinngortitamullu Pisortaqaqfik akuersissuteqarsinnaavoq. Ilulissat Kommuniani communalbestyrelsismik tusarniaareerneremi kingornatigut Avatangiisinut Pinngortitamullu Pisortaqaqfik akuersissutinut taamaattunut piumasaqaatinik aalajangersaasinnaavoq.

Imm. 4. Nunap eqqisisimatisitap iluani qamutinik motorilinnik angalaneq, matuman qamuteralinnik (snescooter), qamutinik illiniliutinik aamma qamutinik qiterutaasalinnik angalaneq inerteqqutaapput.

Imm. 5. Imm. 4-mi inerteqquteqarneremi pineqanngillat angallavigneqarsinnaatitaasut pillugit, Ilulissat Kommuniani assartuutit motorinik ingerlatillit atorneqarneri pillugit immikkut ittumik nalunaarummi aalajangersakkat.

Imm. 6. Nunap eqqisisimatisitap iluani sikkilerluni angalaneq inerteqqutaavoq.

Imm. 7. Aqquserngit amitsut ujaraaqqanik, qisunnik atortunilluunniit allanik naleqquttunik qallerneqarsinnaapput.

Imm. 8. Nunap ilaani immikkoortumi A-mi, takuuq ilanngussaq 2, taamaallaat piffissami 1. apriliit 31. oktoberimut pisummik aqqusinertigut amitsutigut ilisarnarsaasikkatigut angalaneq ajornartitaanngilaq.

Timmisartumik angalanerit

§ 7. Nunap eqqisisimatitap iluani sumiiffimi pineqartumi uumasoqassuseq eqqarsaatigalugu 1000 meterinik appasinnerusumik timmisartornissat inerteqqutaapput.

Imm. 2. Imm. 1-im i inerteqquteqarnermit pineqanngillat akuersissuteqarluni aalajangersimasunik timmisartuussisarnerit, annaassiniartarnerit ujaasisarnerillu kiisalu imm. 4-mi taanneqartunut mittarfinnut mikkiartortarnerit.

Imm. 3. Nunap eqqisisimatitap iluani nunamut mittarnerit inerteqqutaapput, taamaattorli takuu imm. 4.

Imm. 4. Ilulissat Kommuniani kommunalbestyrelsip tusarniareernerata kingornatigut Avatangiisinut Pinngortitamullu Pisortaqarfik summiiffinni erseqqinnersumik taaneqartuni marlunni ukiumut ukiunulluunniit arlaqartunut mittarnissamut akuersissutinik tunniussisinnaavoq.

Imm. 5. Ilulissat Kommuniani kommunalbestyrelsip tusarniareernerata kingornatigut Avatangiisinut Pinngortitamullu Pisortaqarfik imm. 4-mi akuersissutinut piumasaqaatinik aalajangersasinnaavoq.

Imaatigut angalaneq, kisarsimaneq, uninngatitsineq aamma nunamut ikaassinerit

§ 8. Eqqisisimatitap ilaani immikkoortumi B-mi imaatigut angalaneq inerteqqutaavoq.

Imm. 2. Imm. 1-im i inerteqquteqarnermit ilaatinneqanngillat, inuussutissarsiutigalugu aalisarnermut, aallaaniarnermut piniarnermullu kiisalu annaassiniarnermut aamma ujaasinernut atatillugu imaatigut angalanerit.

Imm. 3. Eqqisisimatitap ilaani immikkoortumi C-mi angallatinik usitussutsikkut 1.000 Gross Registered Tonnes-inik anginerusunik imaatigut angalaneq tamarmi inerteqqutaavoq.

Imm. 4. Eqqisisimatitap iluani takornarianik imaatigut angallassineq aatsaat pisinnaavoq, Kalaallit Nunaanni pinngortitamik ilisimannittunik aamma pinngortitamik illersuineq pillugu inatsisinik ilisimasaqartunik ilisimasortanik atuinikkut.

§ 9. Eqqisisimatitap iluani kisarsimanissaq aamma angallatinik uninngatitsinissaq inerteqqutaapput, taamaattoq takuu imm. 2.

Imm. 2. Imm. 1-im i inerteqquteqarnermit ilaatinneqanngillat aalisarnermut, aallaaniarnermut piniarnermullu atatillugu kisarsimanerit.

§ 10. Nunap eqqisisimatitap iluani nunamut ikaassineq inerteqqutaavoq.

Imm. 2. Imm. 1-im i inerteqquteqarnermit ilaatinneqanngillat, inuussutissarsiutigalugu aalisarnermut, aallaaniarnermut piniarnermullu atatillugu nunamut ikaassinerit. Inerteqquteqarnerli eqqisisimatitap ilaani immikkoortumi A-mi nunamut ikaassinermi atuutinngilaq.

Aqutsineq, nakkutilliineq aamma immikkut akuersissuteqartarneq

§ 11. Ilulissat Kommuniani kommunalbestyrelsismik tusarniaareernermei kingornatigut Avatangiisinut Pinngortitamullu Pisortaqarfik nunamik eqqisisimatitamik aqutsineq pillugu pilersaarusiamic suliaqassaaq.

§ 12. Ilulissat Kommuniani kommunalbestyrelsip nalunaarutip matuma eqqortinneqarnissaa nakkutigissavaa.

§ 13. Ilulissat Kommuniani kommunalbestyrelsismik tusarniaareernerup kingornatigut, Avatangiisinut Pinngortitamullu Pisortaqarfipalunaarummi matuman § 5, imm. 1, § 7, imm. 1 kiisalu § 8, imm. 4-mi

aalajangersakkanit immikkut akuersissuteqarneq nalunaarutigissavaa, tamanna eqqisisimatisinermi siunertamut akerliunngippat.

§ 14. § 4, imm. 1-imi aamma imm. 2-mi, § 5, imm. 1-imi, § 6, imm. 1-imi, imm. 4-mi, imm. 6-imi, kiisalu imm. 8-mi, § 7, imm. 1-imi aamma imm. 3-mi, § 8, imm. 1-imi kiisalu imm. 3-4-mi, § 9, imm. 1-imi kiisalu § 10, imm. 1-imi, unioqqutitsinerit akiliisitsinermik pineqaatissiissutaasinnaapput.

Imm. 2. § 6, imm. 2-3-mi, kiisalu § 7, imm. 5-imi piumasaqaatinik aalajangersarneqartunik unioqqutitsinerit akiliisitsinermik pineqaatissiissutaasinnaapput.

Imm. 3. Unioqqutitsineq suliffeqarfimmit tamakkiisumik ilaannakuusumilluunnit naalagaaffimmit pigineqartumit, Namminersornerullutik Oqartussanit, kommunimit imaluunniit kommunit ataatsimoorfiannit, communalbestyrelsit aamma nunaqarfinni aqutsisut il.il. pillugit Inatsisartut inatsisaanni ilaasunit, aktiaateqarluni piginneqatigiiffimmit, piginneqatigiiffimmit, piginneqatigiinnikkut ingerlatseqatigiiffimmit imaluunniit tamatumunnga assingusoq unioqqutitsisuuppat, suliffeqarfik il.il. pineqartoq akisussaasunngortinneqarsinnaavoq, pinerluttulerineq pillugu inatsimmi akisussaasutut.

Tamannattaaq atuuppoq Namminersornerullutik Oqartussat, kommuni imaluunniit kommunit ataatsimoorfiat, communalbestyrelsit aamma nunaqarfinni aqutsisut il.il. pillugit inatsisartut inatsisaanni pineqartumi unioqqutitsisuuppat.

§ 15. Nalunaarut 1. juuli 2007 atuutilerpoq.

Imm. 2. Peqatigitillugu Ilulissat Kangerluata, Kangiata, eqqisisimatassanngortinnera pillugu Namminersornerullutik Oqartussat nalunaarutaat nr. 7, 25. marts 2003-imeersoq atorunnaarsinneqarpoq.

Namminersornerullutik Oqartussat, ulloq 15. juuni 2007

Arkalo Abelsen

/

Alfred E.R. Jakobsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut